

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL ADMINISTRATION OF CIVIL PROTECTION

Broj: 05-02-2-181/24
Sarajevo, 12. 5. 2025. godine

PARLAMENT FEDERACIJE BOSNE I HERCEGOVINE
ZASTUPNIČKI DOM
n/r Predsjedatelja

Hamdije Kreševljakovića 3.
71 000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		20-05-2025	
Org. jed.	Broj	Priloga	Vrijednost
05/1	-02-	157	/25

PREDMET: Odgovor na zastupničko pitanje Marijane Hrvic - Šikuljak, dostavlja se –

Veza: - akt Vlade Federacije Bosne i Hercegovine broj: 03-04-709-24/2025 od 9.4.2025. godine.
- akt Zastupničkog doma Parlamenta Federacije Bosne i Hercegovine broj: 05/1-02-157/25 od 3. 4. 2025. godine.

Federalnoj upravi civilne zaštite preko Vlade Federacije Bosne i Hercegovine dostavljeno je zastupničko pitanje zastupnice Marijane Hrvic - Šikuljak, broj i datum navedenim u vezi, koje je postavljeno na 19. redovitoj sjednici Zastupničkog doma Parlamenta Federacije Bosne i Hercegovine, održanoj 2. 4. 2025. godine, a vezano za poduzete preventivne mjere zaštite od poplava i klizišta u proteklom periodu.

Mjere i postupci zaštite i spašavanja koji se provode u slučaju postojanja izravne opasnosti od nastanka prirodne ili druge nesreće između ostaloga su: prikupljanje podataka o prijetjećim opasnostima i utvrđivanje razmjera tih opasnosti, mobilizacija i aktiviranje odgovarajućih službi zaštite i spašavanja i sredstava zaštite i spašavanja i dr. Sukladno navedenom, Federalna uprava civilne zaštite (u daljnjem tekstu: Uprava) putem Federalnog operativnog centra civilne zaštite kantonalnim operativnim centrima civilne zaštite prosljedila je sljedeće informacije:

- Izvešće o potencijalnim poplavama u Bosni i Hercegovini (Aristotele-eenhsp emergency raport – heavy rain and flooding in Bosnia and Herzegovina) koji je izrađen 27.03.2025. godine na temelju zahtjeva Operativno - komunikacijskog centra BiH – 112, u kojem se navodi da očekivane padaline u slivu rijeke Save mogu izazvati porast vodostaja koji može dovesti do poplava u slivovima rijeka: Bosna, Ukrina, Vrbas i gornjim dijelovima sliva rijeke Sane u periodu 27. – 30.03.2025. godine.
- Narančasta upozorenja Federalnog hidrometeorološkog zavoda koji su upozoravali na obilne padaline i jake udare vjetrova u sjevernim i istočnim područjima Hercegovine, zapadnim i djelomično centralnim područjima Bosne.
- Obavijesti o mogućim poplavama, bujicama/klizištima dobivenim od Federalnog hidrometeorološkog zavoda koji su upućivali na mogućnost izlivanja vodotokova iz korita sliva rijeke Une, Save i Jadranskog mora uslijed obilnih padalina, lokalno vrlo jakog inteziteta koje su se očekivale.
- Izveštaje o vodostajima, meteorološkim mjerenjima i prognozama Federalnog hidrometeorološkog zavoda.

Osim ostvarene stalne komunikacije s kantonalnim operativnim centrima na čijem području je bila opasnost od nastanka nesreće, a u cilju preventivnog djelovanja stavljene su u stanje pripravnosti: Federalna specijalizirana postrojba civilne zaštite za spašavanje na vodi, Federalna specijalizirana postrojba civilne zaštite za spašavanje pod vodom i

adresa: Vitomira Lukića br. 10, 71210 Ilidža
tel: +387 33 779 459, fax: +387 33 767 560
web: www.fucz.gov.ba
e-mail: info@fucz.gov.ba

Federalna specijalizirana postrojba civilne zaštite za ispušavanje vode pumpama velikog kapaciteta.

Sukladno postavljenom zastupničkom pitanju, neke od mjera i postupaka zaštite i spašavanja koje su poduzete nakon dobivanja informacija o očekivanim obilnim padalinama od strane kantonalnih uprava civilne zaštite Unsko-sanskog i Posavskog kantona i općinskih službi civilne zaštite općina Sanski Most i Odžak su sljedeće:

- Kantonalna uprava civilne zaštite Posavskog kantona između ostaloga vršila je povećano praćenje stanja na terenu, čišćenje odvodnih kanala, na klizištu koje se pojavilo na nasipu poduzete su preventivne mjere u vidu zaštite nasipa folijama kako bi se spriječilo prodiranje vode i eventualno proširivanje klizišta, dovoz i deponiranje pijeska kao i prebacivanje mehanizacije na lokaciju. Pored navedenoga istaknuto je da na području općine Odžak nije došlo do velikih poplava i da je situacija bila pod kontrolom.
- Kantonalna uprava civilne zaštite Unsko - sanskog kantona je između ostaloga obavijest o mogućim poplavama, bujicama/klizištima prosljedila općinskim službama civilne zaštite, ponudila pomoć općini Sanski Most u vidu opreme, a Vlada Unsko – sanskog kantona donijela je odluku o dodjeli jednokratne novčane pomoći za provođenje žurnih mjera za općinu Sanski Most. Istaknuto je da se preventivne mjere provode kontinuirano tijekom godine ili u duljem vremenskom periodu, te da su planirani projekti za prevenciju od poplava općine Sanski Most.
- Služba civilne zaštite općine Sanski Most kontinuirano provodi planirane preventivne mjera zaštite od poplava u vidu čišćenja vodotokova rijeka i potoka, izgradnje betonskih zaštitnih zidova na osjetljivim lokacijama, nakon što se dobije obavijest o opasnosti od poplava općinski stožer civilne zaštite civilne zaštite je u stanju pripravnosti i pri tomu se prate vodostaji, obilazi teren, upozoravaju građani i vrši priprema resursa za odgovor na poplave.
- Služba civilne zaštite i civilnih poslova općine Odžak uslijed visokog vodostaja krajem ožujka i početkom travnja uvela je stalno promatranje terena, svi povjerenici na području općine i Postrojbe opće namjene bili su u stanju pripravnosti. Na području mjesne zajednice Prud vršeno je ispušavanje podzemnih voda koje su ugrožavale materijalna dobra i zasađene poljoprivredne parcele. Pored navedenoga istaknuto je da su izgrađeni nasipi prema rijeci Savi i Bosni, i da je formirana Postrojba civilne zaštite opće namjene koja ima odjel specijaliziran za spašavanje na vodi i pod vodom koji raspolaže određenim materijalno-tehničkim sredstvima i ima redovite vježbe.

Odgovori na zastupničko pitanje navedenih kantonalnih uprava civilne zaštite i općinskih službi civilne zaštite dostavljaju se u prilogu ovog akata.

S poštovanjem.

Prilog: kao u tekstu


**Privremeno postavljeni
DIREKTOR**
Aldin Brašnjić

Dostavljeno:

- Naslovu,
- Vlada Federacije Bosne i Hercegovine, na znanje
- a/a.



Broj: 13-40-68-1/25

Orašje, 22.4.2025. godine

FEDERALNA UPRAVA CIVILNE ZAŠTITE

PREDMET: Odgovor na zastupničko pitanje, dostavlja se -

Dana 22.4.2025. godine zaprimili smo dopis od Federalne uprave civilne zaštite, broj: 05-02-2-181/25 od 16.4.2025. godine, kojim nam je dostavljeno zastupničko pitanje zastupnice Marijane Hrvic – Šikuljak.

Navedeno zastupničko pitanje glasi: Koje su aktivnosti poduzete u smislu preventivnog djelovanja vlasti u Federaciji, kantonima, općinama, odnosno koje su preventivne mjere zaštite od poplava i klizišta poduzete u proteklom periodu s obzirom da su bile najavljene obilne padavine?

ODGOVOR:

Preventivne aktivnosti koje su poduzete u Županiji Posavskoj nakon dobivanja informacije da se očekuju obilnije padavine samim time i povećanje vodostaja rijeka, ogledaju se:

- povećanim praćenjem situacije na terenu,
- praćenjem stanja vodostaja,
- praćenjem stanja obrambenog nasipa,
- povećanjem suradnje i komunikacije sa pravnim licima koja upravljaju vodnim objektima, kao i drugim nosiocima zaštite i spašavanja,
- pregledom i procjenom upotrebljivosti raspoloživih materijalno-tehničkih sredstava i opreme za spašavanje,
- čišćenjem odvodnih kanala od granja i trava koje visoki vodostaji nanose,
- uključivanjem u rad crpnih stanica,
- zaštitom obrambenog nasipa folijama, na mjestu gdje se pojavilo klizište kako bi se spriječilo oborinsko prodiranje vode i njegovo eventualno proširivanje, potom dovoz i deponiranje pijeska, te prebacivanje mehanizacije u stanje pripravnosti u slučaju potrebe pored mjesta gdje se pojavilo klizište na nasipu,
- angažiranjem vatrogasaca iz profesionalne vatrogasne postrojbe za ispumpavanje vode na mjestima gdje se pojavila potreba (točnije u mjestu Donja Mahala došlo je do procurivanja vode kroz ispušni na branjenu stranu što je rješavano prepumpavanjem vode s branjene strane prema

vodnoj, aktivne su bile 4 pumpe te je stanje držano pod kontrolom, također u mjestu Prud došlo je do izbijanja podzemnih voda što je također rješavano ispumpavanjem vode).

Osvrnuli bi smo se i na obrazloženje pitanja gdje zastupnica Marijana Hrvić – Šikuljak navodi da je došlo do velikih poplava koje su zahvatile područje Odžaka Sanskog Mosta, Prijedora i Laktaša. Što se tiče općine Odžak rekli bi smo da na tom području nije došlo do velikih poplava i da je situacija bila pod kontrolom, te da nije bila blizu situacije koja se dogodila 2014. godine.

S poštovanjem,



Ravnatelj

Mija Jezidžić



Broj: 15/1-04-5531-2 /2025
Bihać, 23. 04. 2025. godine

FEDERALNA UPRAVA CIVILNE ZAŠTITE
ul. Vitomira Lukića br. 10
71 000 Sarajevo

PREDMET: Odgovor na zastupničko pitanje zastupnice Marijane Hrvić – Šikuljak, dostavlja se;-

Veza: Vaš akt 05-02-02-181/25 od 16.4.2025. godine Vlade Federacije Bosne i Hercegovine broj: 03-04-709-24/2025 od 9.4.2025. godine;

Kantonalna uprava civilne zaštite Unsko-sanskog kantona kontinuirano obavlja poslove prevencije, i ostale poslove faze zaštite i spašavanja utvrđene Zakonom o zaštiti i spašavanju ljudi i materijalnih dobara od prirodnih i drugih nesreća, i drugim Zakonima. Osvrtom na realizovane projekte i aktivnosti realizovane Godišnjim planovima za prethodnu kalendarsku godinu primjetno je ulaganje u zaštitu od poplava. (URL = *Godišnji plan rada Kantonalne uprave civilne zaštite (2024)*; https://www.czusk.ba/files/media/pdf/6687edbddc7d34.21648346_Godi%C5%A1nji%20plan%20rada%202024..pdf, datum: 21.4.2024. godine)

Kantonalna uprava civilne zaštite je sudjelovala u projektu izgradnje parapetnog zida na ušću potoka Glamošnice u rijeku Sanu, sa predstavnicima Evropske unije u BiH i Međunarodne organizacije (IOM). (URL = *Izgradnja parapetnog zida u Sani*; <https://sanartv.ba/zavrsetak-izgradnje-pomocnog-parapetnog-zida/>, objavljeno: 6.12.2024.)

Godišnjim planomom korištenja sredstava posebne naknade za zaštitu od prirodnih i drugih nesreća u toku 2025. godine - planirani su sljedeći projekti na prevenciji od poplava općine Sanski Most:

- Projekat čišćenje i uređenje korita rijeke Blihe, ukupne vrijednosti: 21 700 KM;
- Nabavka mašine za punjenje vreća s pijeskom, ukupne vrijednosti: 20 000 KM;
- Projekat prevencije od poplava realiziran u saradnji sa RTV "USK", ukupne vrijednosti: 7 000 KM.

Imamo dosta argumenata da je prevencija kao faza zaštite i spašavanja bolja od liječenja posljedica od katastrofa što se i vidi kroz mnoge realizovane projekte i Plan zaštite i spašavanja Unsko-sanskog kantona od prirodnih i drugih nesreća. (URL = *Djelujmo preventivno - smanjimo nesagledive posljedice*; <https://www.czusk.ba/vijest/djelujmo-preventivno-smanjimo-nesagledive-posljedice/236>, datum: 21.4.2024. godine)

Kantonalni operativni centar civilne zaštite prikuplja podatke o svim pojavama i opasnostima koje mogu dovesti do prirodne ili druge nesreće kao i posljedicama koje su nastale pojavom prirodne ili druge nesreće po ljude i materijalna dobra na području Unsko-sanskog kantona, obradu tih podataka i njihova distribucija kantonalnim organima uprave, federalnom operativnom centru, pravnim licima koja se u svojoj redovnoj djelatnosti bave poslovima zaštite i spašavanja, Kantonalnom štabu civilne zaštite i službama od posebnog značaja (vatrogasci, policija, hitna pomoć, službama zaštite i spašavanja i drugim strukturama civilne zaštite).

Kantonalni operativni centar po pravilu uzima informaciju od višeg nivoa (vertikalno), na primjer Federalne uprave civilne zaštite ili Federalnog hidrometeorološkog zavoda i prosljeđuje obavijest (horizontalno) i prema nižim nivoima, vodeći se načelom hitnosti i odgovornog djelovanja, bez odlaganja da se učini što je više moguće kako bi prevenirali i/ili ublažili neizbježne posljedice.

Ako se ista obavijest o ugrožavanju ne odnosi na područje Unsko-sanskog kantona, Unsko-sanski kanton nudi pomoć drugim kantonima:

*Po nalogu Nijaza Hušića, premijera Unsko-sanskog kantona i komandanta Štaba civilne zaštite, ovaj Kanton je hitno započeo pripremu slanja mehanizacije za ispomoć u saniranju posljedica katastrofalnih poplava u općinama Jablanica i Konjic. Premijer Hušić stavio se na raspolaganje kolegama iz Srednjobosanskog i Hercegovačko-neretvanskog kantona i ponudio pomoć Unsko-sanskog kantona građanima poplavljenih područja." (URL = **Ponudena pomoć poplavljenim područjima SBK i HNK**; <https://www.czusk.ba/vijest/ponudena-pomoc-poplavljenim-podrucjima-srednjobosanskog-i-hercegovacko-neretvanskog-kantona/221>, objavljeno 04.10.2024.)*

Isporuca pomoći, "Uručena ronilačka oprema Službi za zaštitu i spašavanje na vodi i pod vodom" Direktor Kantonalne uprave civilne zaštite, kao i premijer Unsko-sanskog kantona navode da je "Naša namjera (je) da sve naše Službe zaštite i spašavanja što bolje opremimo, kako bi svi zajedno bili spremni da odgovorimo potencijalnim izazovima u kriznim situacijama." (URL = **Isporuca materijalno-tehničkih sredstava za područja pogođenim poplavama**; <https://www.czusk.ba/vijest/kantonalna-uprava-civilne-zastite-ispoucila-materijalno-tehnicka-sredstva-za-podrucja-pogodenim-poplavama/225>, objavljeno: 08.10.2024.)

Kroz sve navedeno, dolazimo do odgovora na poslaničko pitanje:

Federalni hidrometeorološki zavod je izdao prognozu vremena od 26.3. do 30.3.2025. godine; zatim za **Sliv**: rijeke Une **Obavijest br. 5/2025 o mogućim poplavama, bujicama / klizištima**, za očekivani početak događaja uzet je: 27. 3.2025. godine, očekivani vrh vodnog vala: 27/28.03.2025. godine uz napomenu: "Za vodotoke koji su pod vještačkim utjecajima nije moguće dati pouzdanu prognozu."

Kantonalni operativni centar je dobio obavijest Federalnog hidrometeorološkog zavoda, isti dan po preuzimanju Obavijesti prosljeđuje i obavještava Općinske službe civilne zaštite.

Odluka o proglašenju stanja prirodne i druge nesreće - poplava na području općine Sanski Most donosi se 28.3.2025. godine. na prijedlog Općinskog štaba civilne zaštite općine Sanski Most donosi - Općinski načelnik.

Iz Kantonalne civilne zaštite poručuju da će nastaviti pratiti stanje na terenu te apeliraju na građane da prate zvanična upozorenja i preduzmu mjere zaštite ukoliko se situacija dodatno pogorša.

(URL = *Sana se izlila, poplave prijete Unsko-sanskom kantonu*; <https://www.akta.ba/vijesti/bih/189531/sana-se-izlila-poplave-prijete-unsko-sanskom-kantonu>, objavljeno 28.3.2025.)

Zaključno razmatranje:

Prevenција od poplava je prva faza zaštite od poplava, mora imati prednost nad svim oblicima planirane zaštite. Ove mjere provode se kontinuirano tokom godine i/ili u dužim vremenskim periodima kako bi se stvorile osnove za zaštitu od poplava. Preventivne mjere obuhvataju administrativno-stručne i građevinsko-tehničke stručne mjere koje su međusobno uslovljene unutar sektora voda, kao i sa drugim sektorima. (url = *Prevenција od poplava u Federaciji BiH*; <https://www.vrifbih.ba/wp-content/uploads/2014/03/Prevenција-poplava-u-Federaciji-BiH-.pdf>, datum: 21.4.2025.)

Kantonalna uprava civilne zaštite je ponudila pomoć općini Sanski Most i u vidu opreme:

- mašinu za punjenje vreća pijeskom (dana 28.3.2025.);
- 3000 komada/vreća za pijesak (dana 28.3.2025.);
- pet (5) pumpi za vodu (dana 1.4.2025.);
- isušivač vlage, 8 komada (9.4.2025.);
- Grad Bosanska Krupa šest pumpi za vodu (27.3.2025.), i 1000 komada vreća za pijesak.

Vlada Unsko-sanskog kantona donijela je 10.4.2025. godine *Odluku o dodjeli jednokratne novčane pomoći za provođenje hitnih mjera* za općinu Sanski Most u iznosu od 50 000 KM.

Iz svega navedenog, proizilazi da su ispoštovane standardne procedure - od izdatih upozorenja i obavijesti za obilne padavine i moguće poplave, do odgovora na prirodnu nesreću i ublažavanje posljedica istih. Smatramo da je Kantonalna uprava odgovorila promptno i u okviru svojih mogućnosti. Naravno, kao i svaka druga institucija koja teži napretku - očekujemo podršku Vlade Federacije Bosne i Hercegovine u finansiranju projekata za zaštitu od poplava.

Veća podrška i više sredstava da se izdvaja za zaštitu i spašavanje ljudi i materijalnih dobara od prirodnih i drugih nepogoda pomoglo bi svima. Prije svega, zato što zaštita i spašavanje spada u interes koji ima prednost u odnosu na sve druge zajedničke interese.

S poštovanjem!

Dostavljeno:

1. Naslovu

2. a/a


DIREKTOR
Dževad Livaković, prof.



Broj: 07-40-1676/2024

Datum: 23.04.2025. godine

PARLAMENT FEDERACIJE BiH
PREDSTAVNIČKI DOM
N/r Predsjedavajućeg

PREDMET: Odgovor na zastupničko pitanje, dostavlja se

Zaprimljeno je zastupničko pitanje zastupnice Marijane Hrvić - Šikuljak dana 02.04.2025.godine sa 19. redovne sjednice Predstavničkog doma Parlamenta Federacije BiH održane dana 02.04.2025. godine, te u ostavljenom roku dajemo odgovor kako slijedi u nastavku teksta.

Općina Sanski Most, svjesna posljedica koje poplave mogu ostaviti na živote i imovinu naših građana, posljednjih godina sistematski i odlučno radi na jačanju zaštite od ovih prirodnih nepogoda. Vođeni iskustvima iz 2014. godine, kada smo bili pogođeni velikim poplavama, pristupili smo problemu ozbiljno, sveobuhvatno i s velikim osjećajem odgovornosti.

1. Uređenje vodotoka – prvi korak prema sigurnosti

Poseban fokus stavili smo na najkritičnije vodotoke – rijeke Blihu, Željeznicu, Majdanušu, kao i potoke Gračanica, Zdena i druge. Očistili smo korita, uklonili nanose, srušeno drveće i bilje koje usporava protok vode. Time smo povećali protočnost rijeka i smanjili vjerovatnoću da se voda izlije u naselja.

2. Fizička zaštita – zidovi koji čuvaju živote

Na posebno osjetljivim lokacijama poput naselja Jezernice i Gerzovo, izgradili smo betonske zaštitne zidove koji već sada, u momentima povećanih vodostaja, dokazuju svoju vrijednost. Gdje god su ti zidovi napravljeni, voda više ne pravi štetu kao prije.

Posebno ističemo izgradnju zaštitnog zida na Glamočnici, koji je realiziran uz tehničku i finansijsku podršku Međunarodne organizacije za migracije (IOM). Ovaj zid štiti gusto naseljeno urbano područje i predstavlja primjer uspješne saradnje s međunarodnim partnerima.

Također, uz pomoć Agencije za vodno područje rijeke Save izgrađen je i parapetni zid duž naselja koje je u prošlosti bilo izuzetno izloženo plavljenju. Ova investicija omogućila je dodatnu sigurnost stanovnicima i dodatno ojačala obalni pojas uz rijeku Sanu.

3. Pripremljenost i brza reakcija

Kada se najavi opasnost od poplava, Općinski štab Civilne zaštite odmah stupa u pripravnost. Pratimo vodostaje, obilazimo teren, upozoravamo građane i pripremamo sve resurse – od vreća s pijeskom do evakuacionih timova. Civilna zaštita funkcioniše 24 sata kada je potrebno, i to ne na papiru, nego na terenu – uz građane.

4. Saradnja sa višim nivoima vlasti i međunarodnim partnerima

Aktivno komuniciramo sa Agencijom za vodno područje rijeke Save, Federalnom upravom civilne zaštite, kao i međunarodnim institucijama koje nude tehničku i finansijsku pomoć. Zahvaljujući toj saradnji, već smo uspjeli osigurati sredstva za ključne projekte, a u pripremi su i novi.

5. Planiranje za budućnost


U okviru prostornog planiranja vodimo računa da se nove građevine ne smještaju na rizične lokacije. Također, radimo na ažuriranju Planova zaštite i spašavanja, jer samo dobra priprema daje dobre rezultate.

Zaključno, nije svaki problem moguće odmah riješiti, ali nijedan ne ignorišemo. Kroz rad, odgovornost i saradnju činimo sve da se štete od poplava svedu na minimum. Građani Sanskog Mosta imaju pravo na sigurnost – a mi imamo obavezu da to pravo štitimo svakim danom, i kada pada kiša, i kad sunce sja.

S poštovanjem!

Dostaviti:

1. Naslovu
2. a/a



Po ovlaštenju općinskog načelnika
Pomoćnik općinskog načelnika za civilnu zaštitu

Delić Besim, dipl.pravnik

**BOSNA I HERCEGOVINA
FEDERACIJA BOSNE I HERCEGOVINE
ŽUPANIJA POSAVSKA**

Općina Odžak

Služba civilne zaštite i civilnih poslova

Broj:03-40-1325/25

Dana: 30.04.2025. godine

**BOSNA I HERCEGOVINA
FEDERACIJA BOSNE I HERCEGOVINE
FEDERALNA UPRAVA CIVILNE ZAŠTITE
Vitomira Lukića br.10
71210 Ilidža**

PREDMET: Odgovo na zastupničko pitanje, dostavlja se-

Poštovani,

Sukladno Vašem dopisu broj: 05-02-2-181/25 od 16.04.2025 godine zaprimljen 28.04.2025 godine, obavještavamo Vas da je Služba civilne zaštite i civilnih poslova redovno vrši održavanje svih materijalno tehničkih sredstava koja ima na raspolaganju u vidu preventivnih mjera zaštite i spašavanja od prirodnih i drugih nesreća, pogotovo vezao za poplave na području Općine Odžak.

Također Služba na raspolaganju ima jedinicu Civilne zaštite opće namjene koja broja 52 člana i sastoji se od 5 odjeljenja od kojih je jedno odjeljenje specijalizirano za spašavanje na vodi i pod vodom. Isto je opremljeno materijalno tehničkim sredstvima u vidu opreme za ronjenje, prsluka za spašavanje, te tri manja plovila čija se ispravnost redovno kontrolira kako je već gore prethodno navedeno te na raspolaganju imao 200.000 vreća za izradu zečjih nasipa te 1.000m³ pijeska za punjenje vreća.

Odjeljenje za spašavanje na vodi i pod vodom već deset godina redovno vrši vježbe u vidu stažnog ronjenja i to u dva navrata godišnje.

Što se tiče zaštite obrane od poplava na području Općine Odžak nakon poplava 2014.godine Agencija za sliv rijeke Save odradila je nasipe prema rijeci Savi i prema rijeci Bosni na „stogodišnje vode + jedan metar“. U trokutu između rijeka Save i Bosne nalaze se Mjesne zajednice Prud, Trnjak, Zorice i Vojskova koje su ugrožene u situaciji visokih voda rijeke Save i Bosne od procjernih i podzemnih voda. S obzirom na konfiguraciju tla fizički ne postoji kvalitetno rješenje jer su sami mještani narušili i zatrpali letargije gdje se akumulirala voda još iz Austro-Ugarskog vremena.

Uslijed velikog vodostaja krajem marta i početkom mjeseca aprila Služba civilne zaštite i civilnih poslova uvela je stalno promatranje terena, u stanje pripravnosti podigla je sve povjerenika Civilne zaštite na području Općine i u stanje pripravnosti Jedinicu opće namjene. Na lokalitetu Mjesne zajednice Prud u suradnji s profesionalnom vatrogasnom jedinicom, Jedinica opće namjene vršila je ispumpavanje podzemnih voda koje su priječile ugrozu materijalnih dobara i zasađenih poljoprivrednih parcela.

S poštovanjem,



NAČELNIK OPĆINE

Al
Anes Osmanović mag.krim